

ლოქსი

გაზეთი გამოდის

1933 წლიდან

რაიონის საზოგადოებრივ-კულტურული გაზეთი

№ 90 (6467)

27 ივლისი შაბათი 1991 წელი

ფასი 5 კაპიკი

პრეფექტურაში

თათბირზე აღინიშნა, რომ მიუხედავად რამდენჯერმე გაფრთხილებისა კვლავ სერიოზული ნაკლოვანებები და დარღვევები ქალაქში

ცენტრალური ავზი, ყოველივე ამის გამო მნიშვნელოვნად გამწვავდა ეკოლოგიური მდგომარეობა ქალაქში, რის შედეგადაც მომრავ-

ყველას უნდა მოეთხოვოს

ცაბარის რაიონის პრეფექტურაში გაიმართა ქალაქის წარმოება-დაწესებულებების ხელმძღვანელთა თათბირი, რომელიც მიმდევნა ქალაქში სანიტარულ-ჰიგიენური პირობების დაცვის და წარმოება-დაწესებულებებში შრომის ორგანიზაციისა და დისციპლინის გაუმჯობესების საკითხებს.

ინფორმაციით გამოვიდა რაიონის პრეფექტურის შრომისა და სოციალური საკითხების განყოფილების გამგე გ. ბრეგვაძე.

საკითხების ირგვლივ გამართულ კამათში მონაწილეობა მიიღეს ცაბარის საქალაქო საკრებულოს გამგებელმა გ. ყურაშვილმა, სანეპიდსადგურის მთავარმა ექიმმა ჯ. ყვირილიანმა, ცაბარის საშენი მასალების სამეურნეო-საშრომოსა და წარმოების უფროსმა რ. ახვლედიანმა, მოსახლეობის საყოფაცხოვრებო მომსახურების სამმართველოს მთავარმა ინჟინერმა თ. ბენდელიანმა, ავტოპროფილაქტიკის უფროსმა მ. ყურაშვილმა, კინოფილმის დირექტორმა ბ. ხეცურიანმა, რაიკომპერატორის გამგეობის თავმჯდომარემ ზ. ბენიძემ, ცაბარის №1 პროფესიულ-ტექნიკური სასწავლებლის დირექტორმა ჯ. მიქაძემ, რაიონის მშენებლობისა და არქიტექტურის საქმეთა განყოფილების გამგემ კ. კვირკაშვილმა, შინაგან საქმეთა რაიონული განყოფილების უფროსმა ვ. კუჭავამ.

სანიტარულ-ჰიგიენური წესების დაცვის საქმეში შეიძლება იქნას, ქალაქში კვლავ უსუფთაობა. მეტი წილი წარმოება-დაწესებულებების ეზოები და მიმდებარე ქუჩები დაბინძურებულია, ნაგავთა ავსებული, ხოლო შესაბამისი ორგანიზაციის ხელმძღვანელი დამუშავებული შეყურებს ამ მდგომარეობას. დასახელება, რომ კენჭნარის არხი მთელი ასათიანის ქუჩის გაყოფებით მოსახლეობის მიერ სანაგვედ გადმოცემული, იქვე ასათიანის ქუჩაზე არსებული სავაჭრო პავილიონების ტერიტორია დაუსუფთავებელია. პარტიზანთა ქუჩაზე არსებული ორმოცობინიანი საცხოვრებელი სახლის მიმდებარე ტერიტორია დაზავიანებულია, თვით შენობის სარდაფი გამოყენებულია ქათმებისა და ღორების დასამწყვდეად. ანალოგიური მდგომარეობა ძველი ადმინისტრაციული შენობის, დიეტური სასადილოს და საყოფაცხოვრებო მომსახურების სამმართველოს შენობის ეზოებში, ავტოსადგურის ტერიტორიაზე და სხვა.

გაესვა ხაზი იმაზე, რომ ქალაქში თითქმის ყველა წყლის ავზი, რომელიც ძირითადად სახანძრო თვალსაზრისითაა აშენებული უმოქმედოდაა, არცერთში წყალი არ არის, ამოვსებულია ნაგავით. დაცვის გარეშე ქალაქის წყალსადენის

ლდა ბუხები და მდინელები, იქმნება სხვადასხვა ინფექციური დაავადებების საშიშროება.

თათბირზე განსაკუთრებული ყურადღება დაეთმო წარმოება-დაწესებულებებში შრომის ორგანიზაციისა და დისციპლინის დაცვის საქმეში გამოვლენილ სერიოზულ ნაკლოვანებებს. მარტო უკანასკნელი ორი დღის შემოწმების შედეგად რიგი წარმოება-დაწესებულებების როგორც ხელმძღვანელი, ისე სხვა მუშაკები არ აღმოჩნდნენ ადგილებზე, უნებართვოდ აცდენდნენ სამუშაო საათებს, ასევე ხშირია დაგვიანების შემთხვევები, ხოლო გამცდნთა და დაგვიანებულთა მიმართ არ ტარდება ღონისძიებანი.

თათბირის მონაწილეებმა მოიწონეს რაიონის პრეფექტურის მიერ შემუშავებული ღონისძიებანი ქალაქში სანიტარულ-ჰიგიენური პირობების დაცვის და შრომის ორგანიზაციის და დისციპლინის განმტკიცების საქმეში.

თათბირზე გადაწყდა, რომ ყოველი კვირის პარასკევი გამოცხადდეს ქალაქის დასუფთავების დღედ.

თათბირის მუშაობა შეაჯამა რაიონის პრეფექტის პირველმა მოადგილემ გიორგი ჯიბაძემ.

ქვეყანასაც,

საკუთარ თავსაც



ჩვენი გაზეთის მეტოხელებმა იციან, რომ მეაბრეშუმეთა სეზონის დაწყებიდან ლასურიაში შეიქმნა მეაბრეშუმე მამაკაცთა რგოლი, რომელშიც გაერთიანდნენ ავთანდილ მუშკელიანი (რგოლის ხელმძღვანელი), ნოდარ ახვლედიანი, ბეჟან ბრეგვაძე დათო კახაიძე და ვახტანგ ბენდელიანი. მათ გამოსაკვებად 200 გრამი მური გაიპირვნენ.

მოგუსმინით უბნის მეაბრეშუმე აგრაროსს ზურაბ ხეცურიანს: სიმართლე რომ გითხრათ, თავიდან არ მჯეროდა მათი შემართებისა. ვფიქრობდი, მამაკაცებს მალე მოსწყინდებოდათ ამდენი ჰიის მოვლა და ჩვენც და ისინიც უხერხულ მდგომარეობაში აღმოჩნდებოდნენ. მოხდა კი პირიქით. მრავლდებოდა ჩელტები, ძლიერდებოდა ინტერესი და საქმისადმი პასუხისმგებლობა. საქმე ისე აწყვეს, რომ არცერთი ჰია არ უზარალებიათ. სულ ნორმალური ტემპერატურა იყო მათ ბინაში

მაშინ, როცა რაიონის ბევრ მეაბრეშუმე ქალს მოეცარა ხელი, სანახევროდაც ვერ შეასრულა გეგმა იმ საშინელი სიცხეების პერიოდში საქსოვად გამზადებული ჰიები ცახებიდან ჩამოიყარა.

მამაკაც მეაბრეშუმეთა მონღოებამ ნაყოფი გამოიღო, დასრულდა ერთი თვის ცხარე, მოუსვენარი დღეები და მათ ანგარიშზე სამშობლომ 490,4 კილოგრამი აბრეშუმის პარკი მიიწონა. აღსანიშნავია ისიც, რომ აქედან 409,1 კილოგრამი ხარისხიანი პარკი გამოდგა.

სულ რგოლის წევრთა შემოსავალმა 13509 მანეთი შეადგინა. თითოეულს შრომის გასამრჯელოდ 2702 მანეთი ერგო.

ასეთ დროს იტყვიან-ქვეყანასაც, საკუთარ თავსაც.

გილოცავთ თქვენს პირველ საქმეში გამარჯვებას, სულ სასახლო საქმეები გეკეთებინოთ დამოუკიდებელი საქართველოს საკეთილდღეოდ.

ალამიანები

თვლიც უჭრის და მუხლიც, შრომის ფასიც უკეთ ვინ იცის. განთიადიდან შეზინდებამდე საღ არ ნახავთ, მარტო ის კმარა, 0,5

განთიადიდან

შეზინდებამდე

სახზე ნაოჭები ხანგრძლივ ცხოვრების დასტურია, სიმართლის უტყუარი მოწმე. თვლები? არა, არ გატეხილა, ვერ დაუბინდავს წლებს, ვერ წაურთმევია ილუმალი სიამაყე და სიმტკიცე.

გაგაცნობთ, იგი თებროლეთისანი-ლიბარტელიანია, სოფელ ბარდნალაში მცხოვრები, 84 წელს შიტანებული მეაბრეშუმე, საქვეყნო საქმის მოტრფილ და მზრუნველი. ბევრი ცუდი უნახავს, მაგრამ ცუდსა და უსიამოვნოს მუშაობაში მისთვის ხელი არ შეუშლია. ამაზე უარესი რა უნდა მომხდარიყო მის ცხოვრებაში მეუღლემ, ორი მცირეწლოვანი შვილის მამა, თედორე ლიბარტელიანი მეორე მსოფლიო ომის ქარიშხლიან გზას გაუყენეს და შინ აღარ დაბრუნებულა. ოჯახმა ერთბაშად შეიკრძო ომის საწინებელა, რა უნდა ექნა ახალგაზრდა დედას, ისიც ბევრ თანატოლთან ერთად შეეგუა ოჯახში უკაცობას და ქალისა და მამაკაცის მძიმე ჰვანძვლა ეწევა დღემდე. ქალიშვილები გაზარდა. ერთი ქმარშვილიანია და წყალტუბოში ცხოვრობს. ოთხი შვილიშვილიც ჰყავს, მაგრამ დღესაც თავისი სუსტი, ოდნავ მოხრილი მხრებით შედგომია მეუღლის დანატოვარ ოჯახს, არ გატეხილა მისი ნებისყოფა, შრომობს და შრომობს,

ვექტარი საკარმიდამო მიწის ნაკვეთს რომ უკლის, ოჯახში ორი ფურიც ჰყავს, მაგრამ ყველაზე მეტად მაინც აბრეშუმის ჰიის მოვლა იტაცებს. ექვსათუთ წელზე მეტია ამ საქმეს მისდევს. როცა მეაბრეშუმე აგრაროსმა დ. გოგიძემ მიიხრა, 84 წლის სახელოვანი მეაბრეშუმე მყავსო, არც კი დაფიქრებ. წიფერის საყრდენის მდივანს ნორა ლარტუიანს ოჯახში მიტანილი ჰია რომ ჩამოართვა, დასძინა, —ამის მოვლას რომ ვერ შევძლებ, მაშინ მეკდარი ვიქნებიო და შეუდგა საქმეს. ამ დღეებში ცაბარის მიმდებარე ტერიტორიაზე ლიბარტელიანის სახლის გასწვრივ 25 კილოგრამი „თეთრი ოქრო“ ჩაიწვრა. თებროლეს ასაკსა და ჯალბარას იმიტომ სცემენ პატივს, რომ ისინი ცხოვრებისეული სიბრძნისა და გამოცდილების სინონიმს წარმოადგენენ. მისი ნაშრომიც ისევე სჭირდება დღეს მამულს, როგორც ამ თათბის გუთნისდღეებს.

84 წელი სიცოცხლისათვის ზღვარი როდია, საზრუნავი ისევ ბევრი აქვს, ცხოვრება კვლავ იძახის, უშრომლად სიცოცხლე რის მაქნისია, შრომა ზეიმობს და სიცოცხლე მარადისობს. იტოცხლო!

ამ ჩვეულებრივ ფრაზაში ყველაფერია ჩაქსოვილი—მადლიერება, პატივისცემა, სიყვარული.

ბ. ბაქრაძე.

საკვები 91: პირუტყვი რომ არ ღაიშავს

ზაფხულია. პირუტყვისთვის საკვების დამზადების გადამწყვეტი დრო. საბედნიეროდ საკვების მარაგის შექმნის საუკეთესო რეზერვებიც გვაქვს და საშუალებებიც, ამოცანაც დიდი და სერიოზულია—სულ საზოგადოებრივ მეურნეობასა და საკარმიდამოში იჭარბოთ გაცემული 3060 მსხვილფეხა პირუტყვისათვის (აქედან 387 ძროხა) სულ ცოტა 1200 ტონა თივა და სხვა უხეში საკვების დამზადება მაინცაა საჭირო.

ახლა, როგორც არასდროს, ისე უნდა იყვნენ ამ მნიშვნელოვანი საქმისთვის დარაზმული რაიონის მშრომელები, მით უფრო დღეს, როცა ახეთი რთული და შემამოთხრებელი მდგომარეობა შეიქმნა ამ დარგში.

საკვები პროდუქტები მაღაზიის თაროებიდან საერთოდ გაქრა, ბაზარზე კი მას, რომ იტყვიან, ცეცხლი უკიდია, ამ ურთულესი მდგომარეობიდან გამოსავალი კი ერთია, რომ რაც შეიძლება უხვად მოვიმარაგოთ საკვები, აქედანვე შევქმნათ გამოწვრთების საიმედო გარანტი, მაქსიმალურად მოვიხმაროთ სათიბებში შემოსული ბალახი.

ამ მხრივ აშუამად შექმნილი მდგომარეობა პირდაპირ საგანგაშოა გარდა ცაბარის კოლმეურნეობის აეროპორტის სათიბებისა, არსად, არც ერთ საზოგადოებრივ მეურნეობაში საკვების დამზადება არ მიმდინარეობს. მოსახლეობა თვითნებურად დაეპატრონა სათიბებს, არის დავა, გაუთავებელი

კამათი, საზოგადოებრივ მეურნეობათა ხელმძღვანელებს აქტიურობის ძალა აღარ შესწევთ, ამასობაში დრო მიდის, ყველაფერი ამ მნიშვნელოვანი საქმის საწინაოდ სდება და ხვალ თუ ზეგ მძიმე ტვირთად დაწვება მეცხოველეობაში შექმნილ ისედაც საგანგაშო და უმძიმეს მდგომარეობას.

არადა საკვების დამზადების ყველაზე ხელსაყრელი დრო ხელისა და გვერდების მდგომარეობაა დღითიდღე რთულდება. საკვები ბაზის გარეშე მეცხოველეობა სამარცხვინო ჩამორჩენას თავს ვერ დააღწევს, საქმეს ისევ აგრესიულად გავრთიანების სპეციალისტებმა და საზოგადოებრივი მეურნეობების ხელმძღვანელთა აქტივობამ უნდა უშველოს.

ყველა ჩემი სამშობლოა...

ბრძნობა სამშობლოსი, ნამდვილი გრძნობა, აწვალს დღეს ეროვნული სულის ქირსეულს, აწვალს და ვეღარავითარი ძალა ვერ გააყალბებს მას, შინაგანად მწველს და საქმით მეტყველს.

დღეს არანაყოფიერად აღტყნებით ველაყივებით სამშობლოს წარსულს, მის სისხლიან, სამაყო ისტორიას, ყოფა-ტრადიციებს, თითქოს ახლა შევიგებებით ეს ყოველივე, რაც გვიღვივებს ეროვნულ სულსა და თვითშეგნებას, სამშობლოს დამოუკიდებლობის გრძნობას.

ამ გრძნობით დავადექით გზას გაზეთ „ლეჩხუმის“ რედაქციისა და რაიონული სტამბის თანამშრომლები, გრძელ და საინტერესო გზას საქართველოს აღმოსავლეთისაკენ, ძველი პერეთის სამეფომდე, აზერბაიჯანის, დაღესტანის საზღვრებამდე.

წყალტუბოს საექსკურსიო ბიუროდან გასულები მივუყვებით იმერეთის სანახევს. თითოეულ გოჭს, ადგილს, მდინარეს საინტერესო ბიოგრაფია აქვს. უკან დარჩა ქუთაისი თავის სიძველით, ბაგრატიონთა და გელათის. მდინარე წყალწითელაზე ექსკურსიამდლოლი გრიგოლ ჭურბაძე ასეთ ისტორიას მყვება: მურვან ყრუს შემოსევის დროს გადაიხტა 7000 სოფელი, აქ აწამეს მშვიდი დავითი და კონსტანტინე მხედვები. ისინი მოწამეთას ეკლესიაში დაუკრძალა. მათ სისხლს შეუღებავს პაწია მდინარე და წყალწითელა აქედან დაერქვა.

ფიქრებში ვიძირებით. რამდენი რამ არ ვიცით ღვიძლის და მშობლიურის ირგვლივ. ზესტაფონის შორაპანი ებმის, მეფე ფარნაოზის ქალაქი, აქვეა ყვირილა, ღვედლი და დიდი სანაოსნო მდინარე. ვაქცავთ საქართველოს სამხედრო ავტოტრასას, რომელიც 1908 წელს გახსნილა და პირველ ავტომანქანასაც მაშინ გაუვლია.

მაღე უკან მოვიტოვებთ რიკოთის უღელტეხილი, სურამი, ხაშური, შუაგულ ქართლში ვართ. კახეთში წმინდა ნინოს ეკლესია გვეგებება. ქეთევანი, თამარი და ნინო—სამი ძვირფასი სახელი საქართველოსთვის. თითოეული ქართველისთვის. უწმინდესმა და უწმინდესმა ილია მეორემ აკურთხა წმინდა ნინოს ეკლესია და დღეს მის ედებში იღვწის წირვა-ლოცვები.

ბევრი რამ გადახდენია ქართლს. ქსნის ხეობა, ქსნის ციხე, ჯვრის, ზედაზნის მონასტრები, თითოეულზე დიდხანს შეიძლება ისაუბრო.

ვახაშკოვლებით მცხეთას—საქართველოს უწმინდეს ადგილს, ძველ დედაქალაქს. სვეტიცხოველის არქიტექტურული ძეგლი და მისი სიდიადე იწინაავეს უამრავ სტუმარსა და მასპინძელს. საინტერესო დროს

მივედით—ფარანის ტბიდან წმინდა ნინოს სულის სადიდებლად წამოსული მორწმუნენი უკვე შემოსულიყვენ სვეტიცხოველში ნატანჯი, დადილები, მაგრამ საოცრად ბედნიერი სახეებით და სულით ამაღლებულნი.

სვეტიცხოველის წმინდა საფანეში განისვენებენ საქართველოს დიდებული მეფეები. დავითთ სათაღები და ერთგულ კიდევ ვეცით თაყვანი წმინდა ტაძრის ჯვარს.

„მოსჩანს იმისფერ დრუბლბში კახეთი...“

საბჭოთა... წინამეტან მიახლოება გვტყვია: აქ, ამ ადგილას ერთი პატარა ტყვით განგმირეს დიდი ქართველი, საქართველოსთვის გულდაღილი მრხეტი ილია ჭავჭავაძე.

საგურამო გურამიშვილების საძაღვე, აქ მხოლოდ ეს გვარი ცხოვრობდა და მათი ადგილ-მამული დიდძალად აღწევდა. დღეს, როგორც გვიტყვან, გურამიშვილი საერთოდ აღარაინ არის სოფელში.

...გურამიშვილის მშვენიერ და ჭკვიან 20 წლის ასულზე ოლ-აზე რომ დაქორწინდა 25 წლის ილია 1863 წელს, საგურამოში მოვიდა. სახლი, რომელიც დღეს ი. ჭავჭავაძის სახლ-მუზეუმი, აქ არ მდგარა. ეს თეთრი ღრუბლების ქვეშ გადაშლილი საუცხოო ადგილი ილიას ამოურჩევია სამოსახლოდ, 1892 წელს დაუწყია მშენებლობა და 1895 წელს დაუმთავრებია. აქ შეუქმნია ილიას არაერთი შედევრი, ამ სახლში უფიქრია საქართველოს ბედზე, აქ მასპინძლობდა ძვირფას სტუმრებს.

კარგა ხანს დაუყავით ილიას ეზო-კარში 300 წლოვანი, კაკლის ჩრდილქვეშ, მოჩხრალე წყაროსთან, დავდიოდით მის ნატერფალზე და უდიდეს საძოვებლასა და სიამაყეს განვიცდიდით.

საღამოს ჩავაღწიეთ თბილისს, აბრღვრალეზულს, აფსუფსუელს, ივლისის ხეატიტ სულგათანგულს. ღამემ მაინც თავისი ჭკნა, სიგრილემ იმატა და დილაღრიან დავადექით გზას კახეთისაკენ.

„გაი, მაგ მკერდს სამამულეს, ვინ ოხერი გიკორტინდა“, „აი, კახეთი, ჩემი კახეთი, რომ არ ცხრებოდა მტრების თარეში“ და სხვა ათასი ტყვილიანი სტრიქონებით ამოტეხილდა გონებაში. სართიქალას რომ გასცდები, თბილისის სააგარაკო ადგილები შემოგხედება. რამდენი ხროვი, მოუსვლიანი

ადგილი გაუუტლტურებიათ, გაუმწვანებიათ, პაწია სახლები ჩა-

უდგამთ და სიცოცხლე გაუჩაღებიათ. გულითადი ალოობაა კახეთში. ცხელა, ისე ცხელა, რომ ვახი, ხეხილი და ბალახი სულს ვეღარ ითქვამს, წყარობიც დამშრალან, წვეთ-წვეთ საცოდავად მოწანწყარებენ.

საბარამჯო... შაპის ერთგულ თემურაზ მეფე-პოეტს დედაც მოუტლეს, შვილებიც („მამა არ ვიცი, და სადაა“), ტოვებს კახეთს და ოდიშის კარზე აფარებს თავს—რაქალეხუმს იმალება. შაპის რამ-

დენ ქარავანს გადაუვლია ამ გზებზე, აუობრებია ეს მიწა, აუტრია ვახი. მამა თავად კლავდა საკუთარ შვილს, მუსულმანების მოსალოდნელი აოსრების წინ, მაგრამ ვერ მოკლეს საქართველო, ვერ გადააჩტულეს ქართველი, ვერ დაიმორჩილეს სული მისი.

...კახთა მეფეს ალექსანდრე მეორეს ოთხი შვილი ჰყოლია. ერთი მათგანი მიქვლად გაუგზავნია ირანის კარზე. ეს მუსულმანურად გაზრდილი უმადური შვილი კახეთში რომ შემოსულა, მამა და მამა მოუტლეს, რათა მეფედ დამქლარიყო. აი, რა მოგვდგამდა ძველთაგან, აი რა აძლიერებდა ჩვენს ურჯულსა და მოძულეს.

შუამთის მონასტერი, უფრო სწორად, მონასტრების კომპლექსი—ძველისა და ახალი შუამთის. ძველი მე-5—მე-6 საუკუნისა, ახალი მე-16 საუკუნის. აქ დღეს და სამონასტრო ცხოვრება. ეს წმინდა ციხე-ქალაქი იფარება შვილებს მტრის შემოსევისას. შუამთა მართლაც მიეზს შორისა, ტყეში ჩაფლული, თავზე ჩაჩქანად ღრუბლები ადგას. ტყე ხალხითაა სავსე. აქ მოდიან შესაწირით, სანთლებით. იმედით, რწმენით. ახალი მონასტრის მშენებლობა კახეთის მეფე ლევანის მეუღლეს თინათინ გურიელს დაუწყო. შუამთაში მომდგარი მამა იოანე დავიხვდა. შუამთის მონასტერში პატივი მივაგეთ დიდებული ქართველის ალექსანდრე ჭავჭავაძის საფლავს.

წინანდალი—ჩვენ მე-19 საუკუნის მიქეთარე მოვლენებში გადაინაცვლეთ. ალექსანდრე ჭავჭავაძის სახლ-მუზეუმში ვართ. ამ დიდებული ოჯახის ისტორია ყველამ ვიცით, ვიცით, მისი ულამაზესი და პატრიოტი ქალების შესახებ. ვაფთვლიერებთ დიდებულ სახლ-კარს, სადაც დაიბადნენ გარსევან, ალექსანდრე ჭავჭავაძეები, ეკატერინე და ნინო, სადაც იმართებოდა შეხვედრები,

ლიტერატურული საღამოები, აქ ზღაპრული, რომანტიკული სილამზეა. მთელი დღე ვერ დავიკლი ტყე-პარკს, სხვადასხვა დანიშნულების ნაგებობებს, ჭურ-მარას.

წინანდალი ნამდვილი ზღაპარია, შეუდარებელი.

ალავერდის ტაძარს მე-8 საუკუნეში ჩაეყარა საფუძველი. დიდი მშენებლობა კი მე-11 საუკუნეში წარმართულა. ერეკლე მეორეს კი გაუდიდებია, საბოლოო სახე მიუცია.

ახლა ალავერდის ტაძარი ხარაზობშია, როგორც საერთოდ მთელს ქართულ ეკლესიებს, მა-

ნაც ეტყობა მე-19 საუკუნის რუსული იმპერატული პოლიტიკის კვალი. ტაძრის კედლები გაუთეთრებიათ და ძვირფასი მხატვრობის ადრეა ახლა დაწყებული. პარალელურად არქეოლოგიური გათხრები მიმდინარეობს. ალავერდის ეზოში სხვა ნაგებობებთან ერთად თვალს ხვდება კიბეაიენიანი შენობა, ამ აივანზე ავიდოდა ერეკლე მეორე, შემოკრავდა ზარს და შეპყრიდა კახთ. აქედან ისმოდა პატარა კახის ომხიანი ხმა, მოწოდება სამშვიდობო თუ საბრძოლველი.

ალავერდობა დიდი დღესასწაულია კახეთს. 3 კვირა გრძელდება 27 სექტემბრიდან მოყოლებული და მთელს საქართველოს უბნებს, მთელი საქართველო იღრესს მუხლს ამ წმინდა ალავერდის გრილ მაღალგუმბათიან დარბაზში წირვა მიდიოდა. ამ დროს ორი წყვილი ქალ-ვაიი ჯვრის წერისათვის მაყრიონით მოადგა მონასტრს. დალოცოს, გაამრავლოს ალავერდის ძალამ!

...დავდივართ წინაპართა გულ-ებზე, დიდებულ ადგილებში, ელაციკებით მათ ძვირფას ლანდებს, მაგრამ გული გვტყვია დღევანდელი გულგრილობით, განუკითხაობით. საექსკურსიო ბიუროები დაკეტილი დავიხვდა მცხეთაში, თელავში. საგურამოში, გრემში, ალავერდში წინანდალში ვერ ვნახეთ ექსკურსიამდლოები.

მხოლოდ გრემის მონასტერში დავიხვდა შესანიშნავი მასპინძელი ექსკურსიამდლო გულიკო გულიაშვილი.

თქვენ გრემის მადლიან და თბილ მიწაზე ხართ, გვეუბნება იგი. ვახუშტის ცნობით, მე-15 საუკუნის შუახანებში საქართველოს რთული პოლიტიკური დრო დაუდგა, იგი სამთავრობად იშლებოდა, გაერთიანებული საქართველოს უკანასკნელმა მეფემ გიორგიმ კახეთში პოვა შეგება. გრემი კახეთის სატახტო ქალაქად იქცა. იგი გეოგრაფიულად ხელსაყრელ ადგილ-

ზე 1565 წელს ალაშქრა კახთა მეფემ ლევან ალმაშენებელმა. ქალაქში ჩამოიოიონენ უკუბოლები, იმართებოდა ეკლესია, წარვა-ლოცვა, მიწათმოქმედობა ეკლესიას. ქალაქის შემოსასრულში იყო აბანო, აღმოსავლური სტილით ნაგებო—ვინც გრემში შემოვიდოდა, როგორც წესი, უნდა განაზიოყო. კომპლექსში ცალკე ყოფილა მეფე-დიდებულთა უბანი.

150 წელი არსებობდა გრემი, როგორც სატახტო ქალაქი. ბოლოს შაპის შემოსევის დროს იგი დაინგრა, მაგრამ ეკლესია-მონასტრები გადარჩა. არის თქმულება, რომ შაჰ-აბასის ბებია სამცხე-საათაბაგოდან იყო, შალი-ვაშვილის ქალი. იგი შევედრებია შვილიშვილს, რაკი არ იშლი, ეკლესიებს მაინც არ ახლოო ხელი.

აქვეა მეფის დარბაზი, მაშინდელი სამეურნეო იარაღებით, საორმოცე ოთახი, სამრეკლო, რომლიდანაც მოჩანს მთელი კახეთი.

გრემიდან ვვარსიკენ ვავრძელებთ გზას. ისევ ილიას უნდა ვეწვიოთ, ამჯერად ყვარულში, ჭავჭავაძეების საფლავში. ილიას კარ-მიდამოში მკვიდრად ნაგები აფორის სახლი. 6 შვილი ჰყოლია ილიას მამას გრიგოლს. ჭავჭავაძეების გენეალოგია საუკუნეებიდან მოდის. მისი წინაპრები დაწინაურებულან 1516 წელს. აბაგებს უმოღვწნიათ ერეკლე მეორის კარზე.

ვნახეთ აკვანი, რომელშიც ჩელი ილიას არწვედნენ აქ, დიდი ნიგვზის ჩეროში. მაგრამ ეს მშვიდობიან დროს. ილია და მისი და-ძმანი ეზოში მდებარე მაღალ კოწეში დაბადებულან. ცუდი დრო იყო. ყვარლის მთებს მიღმა ლეკები ცხოვრობდნენ. მათ თუვალი დღენიდავ კახეთისკენ ჰქონდათ, თუ ჩელის იპარავდნენ, თუ ქალს, თუ ცხვარ-ძროხას, აწიოკებდნენ სოფლებს.

კოშკში შეხვინდა წვრილ ცოლ-შვილს გრიგოლ ჭავჭავაძე საშიშ ვითარებაში, ასეთი კოწეები ბლომადაა შემორჩენილი კახეთში.

გავცენით ილიას ლიტერატურულ მემკვიდრეობას, მოღვაწეობას. მოვიხატულეთ ყვარლის ეკლესია—ჭავჭავაძეების საგვარეულო საფანი.

დავიღალეთ კახეთის სიყვარულში, სამი დღე რა არის, ეს ისტორიული მხარე, თითქმის საქართველოს ნახევარი მთიარო, ან ერთ საგაზეთო სტატიაში ჩადო განცდილი და ნახაი. შორიდან მოვეფერეთ დავით-გარეჯას, უჯარმის ციხეს, კარდენახს, თელავის ღირსშესანიშნაობებს, გოგალს, ნატოვანაძის, კოტე მარჯანიშვილის სახლ-მუზეუმებს, კახელ კაცის ნაღდ ბუნებას...

ჩვენ ერთგულ კიდევ დავინახეთ საქართველო თავის წარსულით, „მწვანე ტევრებში აგებული ციხე-კოშკებით, რომელთა ჯვრები ლოცულობენ საქართველოსთვის, და ისწრაფიან სულ მაღლა, მაღლა, მზის სილურჯში“.

ვიწონებ,

მზარს ვუტყერ

საქართველოს რესპუბლიკის მოქალაქეობის შენახება კანონის პროექტის გამოქვეყნებას საკმაო ხანია ელოდება თავისუფლების გზაზე მტკიცედ დამდგარი საქართველოს მოსახლეობა; და აი ისიც! უკვე

გამოქვეყნებულია კანონის პროექტი სახალხო განხილვისათვის.

მსურს გამოვთქვა ჩემი პირადი მოსაზრება. ასე მაგალითად: კანონის პროექტის მეორე კარის მერვე მუხლის—„საქართველოს რესპუბლიკის მოქალაქედ მიღების პირობები“ „გ“ პუნქტში წერია: „ეცოდინება საქართველოს რესპუბლიკის კონსტიტუციის საფუძვლები და

ალიარებს მას, ეცოდინება საქართველოს ისტორია“. ვფიქრობ, ეს უკანასკნელი სასურველია შეიცვალოს ასეთი რედაქციით: „ეცოდინება საქართველოს ისტორიის უმთავრესი, საკვანძო საკითხები“, რადგან ხომ ცნობილია, რომ საქართველოს ისტორია 70 წლის ძანხილზე გაოკუტდმართებულია ისწავლებობდა და დღეს თვით ბევრი ძირძველი ქართველიც

ვერ დაიკვეხნის მის დიდებულ ცოდნას.

კანონპროექტის მე-13 მუხლის „უცნობ მშობელთა ბავშვების მოქალაქეობა“ შესახებ კი ჩემი აზრი ასეთია: ეს მუხლი ჰუმანური პრინციპებით არის ნაკარნახევი, მაგრამ ხომ არ იქცევა იგი იმ არხად, რომელიც არაქართველ ქართულ მიწებზე თვალდადგმულ „ძმებს“ საშუალებას მისცემს თავის საქართველოში მცხოვრებ

ახლობელ, სანდო ოჯახებს „მოუგდონ“ თავიანთი ჩვილი შვილები და ამით პერსპექტივაში გაუნადლონ მათ საქართველოს მოქალაქეობა? ექვი არ არის, საქართველოს რესპუბლიკის მოქალაქეობის კანონის სამოქმედოც შემოღება ხელს შეუწყობს საქართველოს სახელმწიფოებრიობის შემდგომ განვითარებას, ქართველი ერის აყვავებას.

მელისი ურახვილი.

უ
პ
ა

3

ა

ჩვენი გაზეთის ახალი, კიდევ ერთი თემატური გვერდი. როგორც მიხვდით, პალატაშიაა განათმეცნიერი, იგი მთლიანად დაეთმობა მათ—აქ დაგეგმილი წერილები გი-
ამოგობ სახელმწიფო დახეხილ ქალაქში—წინაპარება და
თანამედროვეობა, მათ ფიქრებსა და განცდებს, ჩვეულებრი-
ვ ქალაქში, თქვენს რომ დედაგოგამ უდავან. გიამოგობ
აბრეშუნი მსოფლიოში ცნობილ ქალაქში, „მეც“ შემოგობა-
ვათ სასარგებლო რაგვა-დარიგებებს, გიგაგობი საშაგა-
ესა რეცეპტებს როგორც მსოფლიო, ისე დახეხიური კულის-
არის საგანგებოდან. ძვირფასო ქალაქში იმედი, გა-
ლა დაუგეგმავადმით „მეც“.



სიცოცხლე

ახლა თეთრ ფურცელზე სტრიქონები უნდა დაეწყო, ჩემი გრძნობის ტრელასი სათ-
ქმელი უნდა ითქვას. ყოველთ-
ვის მიჯირს დაწება, სიტყვებს
მაინც არასოდეს არ ვეძებ და
გწერ მხოლოდ გულით ნაქარა-
ხებს.

ახლა ზაფხულის წვიმიანი და
სევდიანი დღეა და მეც ამ დღის
განწყობილებით გწერთ:

„შენ უნდა ცისფერ ღრუბლე-
ბს იწეო“...

უბოძოდ მიხატა, რომ შემოი-
ლა წამოგეწიო კიბეზე, შეგვდმ
დერფანში და გესმინო შენს
საუბრს ლიტერატურაზე, და ყვე-
ლაფერზე: ცხოვრებაზე, ადამიან-
ებაზე, სილამაზეზე, სიყვარულსა და
ბოროტებაზე.

გახსოვს, იმ დღეს რწენაზე
გსაუბრობდით, არა, რწმენის და-
გრგვა როგორ შეიძლება, ეს ხომ
ბოროტების ზეიშია და ბოროტ-
ებას როგორ უნდა გაამარჯვებინო.

„იგი შემოდის კლასში, ჩვენ
კი მოუთმენლად ველით მას.
მისი გაკვეთილები სულიერად
გვაძალადებენ.“

ლაი მასწავლებელი ლიტერატ-
ურისა და ადამიანობის მასწავ-
ლებელია. ჩვენთვის ყველაზე
უცხო! ახლობელი!—ამბობენ
მოსწავლეები.

ის ცდილობს ბავშვის სულში
ახაროს ის ძვირფასი ყლორტე-
ბი, რასაც პატიოსნება, სიკეთე,

იებში,
ანუ

მარადიული მშვენიერება

თავმდაბლობა, ერთგულება,
შრომისადმი სიყვარული და სა-
თნობა ჰქვია.

ლაი ძოწენიძე, ლეჩხუმელთა
რძალი, ქვედა ცაგერის არსტ-
ული საშუალო სკოლის პედაგ-
ოგია, ფრადოსანი შვილების
დედა, კარგი მკვლევარ, ერთგუ-
ლი მეგობარი, მშვენიერი ქართ-
ველი ქალი, მიქაძეების რჯახის
უმცროსი დისასხლისი.

დიდი ხანია გიცნობს.
ისავეთ სუსტი ხარ, მზესავით
ღმილიანი, ოდნავი შეხებისას
სივრცეში ბეგრებად იღვრები.

...მინდობს, პატარა ცისფერი
ყვავილი იტყობოდ, ამ ერთ
ციდა ყვავილში იმდენი ძლიერ-
ება იხატებოდა, გაკვირვებული
შესცქეროდნენ. ცისფერი ყვავი-
ლი კი დედაშიწის უღრმეს ტრი-
ლობაზე მალამოდ ამოსული
იდიმებოდა და ვინ იცის, რატ-
ომ.

შენც დაულოცნიხარ ბერიკ-
აცს სიკეთისათვის.

შენც გაგხარებია ანთებული
ყვავილის სიხარული.

ცაში ასაფრენად შენც გაგი-
შლია ფრთები.

შენც გიძებნია საკუთარი თავი
მზესა და ყინვაში, ქარსა და

წვიმაში.

შენც გინახავს, თუ როგორ
შესასწავლა სასწრაფოთაშ ლამაზი
სიცოცხლე (სხვის მაგივრად
ატირებულსარ).

ანათებ მხოლოდ იმიტომ, რომ
თვითონ იწვი.

ძნელია იყო ქალი...

„ომები ხომ თავსაყრელია,
მშვიდობის ქამს ნანადირევს
მიხედ, დაჭრილებს იარა შეუ-
ხევე, სალბუნია შენი ხელები,
შვილები ზარღე, ურცხვი ნათ-
ესავების სიკვდილის გამო ორ-
მოცი დღე ბნელში იჯექი...“

ქალი, რომელსაც სიყვარული
შეუძლია, გულგრილობას ვერ
შეგეგება, ქვეყანაზე გაფეხე-
ბულ გულგრილობას.

ვიცი, ახლა ნათა გეკუთრე-
ლება, ნათა, თავისი დაუმთავ-
რებელი კითხვებით სამყაროს
შეცნობა რომ სწადია, მასაც ცისფე-
რი თვლები აქვს. ძალიან ჰქვი-
ანი ბავშვია. ჯერ პატარაა,
მაგრამ უკვე იცვლევს საკუთარ
თავს. რგზო ზის არჩენად და
მღერის მისთვის — „სამშო-
ბლო“...

მართალი უთქვამთ: სიყვარუ-
ლი არ ყვირის, ჩურჩულებს
მხოლოდ და ისიც მაშინ, როცა
დუმილი აღარ შეუძლია.

თინიკო უკუაშულიანი.

ქვედა ცაგერის არსტული საშ-
უალო სკოლის მასწავლებელი.

მსოფლიო ეკრანის

* ვარსკვლავები *

ქართული
ბიზნისი

სოფი

ლორენის

60

კინო-

ფილმი

სოფი ლორენი, რომლის ნამ-
დვილი გვარ-სახელია სოფია ში-
კოლონე, დაიბადა 1934 წელს.

პირველად იგი ცნობილი გახდა
ორმოციანი წლების ბოლოს,
როდესაც ნეაპოლში სილამაზის
კონკურსში მონაწილეობდა.
სწორედ იქ შეინიშნეს კინომა-
ტოგრაფისტებმა მისი სილამაზე,
და 1949 წლიდან დაიწყო მისი
გადაღება ეპიკურულ როლებში.

ჯერ კიდევ კინოკარიერის და-
საწყისში მან, მიუხედავად თა-
ვის პირველ ფილმებში უმნიშე-
ნელო წარმატებისა, გამოავლინა
საყოველთაოდ აღიარებული შე-
მოქმედებითი მონაცემები, შრო-
მისუნარიანობა და სწავლისადმი
აქტიური სწრაფვა.

მისი დიდი წარმატება იყო
გამოჩენილ იტალიელ რეჟისორ-
თან ვიტორიო დესიკასთან თან-
ამშრომლობა. მისმა ფილმმა „ნე-
აპოლის ოქრო“, რომელიც 1954
წელს გადაიღო, სოფი ლორენს
ფართო აღიარება მოუტანა.

შემდგომში ვიტორიო დე სიკამ
სოფი ლორენი მიიწვია ისეთ
ფილმებში მონაწილეობისათვის,
როგორიც არის „ჩოჩარა“, „ალ-
ტონელი ტუსაღები“, ხოლო
ფილმებში „ქორწინება იტალიუ-
რად“, „გუშინ, დღეს, ხვალ“,
და სხვა სოფი ლორენმა ბრწყი-
ნვალე დუეტი შექმნა მარჩელო
მასტროიანთან ერთად კინემატ-
ოგრაფში თავისი ცხოვრების
ორმოც წელზე მეტი ხნის გან-

მავლობაში სოფი ლორენმა იტ-
ალიურ, ამერიკულ, ინგლისურ,
ფრანგულ და სხვა ქვეყნების
სამოცზე მეტ ფილმში მიიღო
მონაწილეობა. მისი მონაწილეო-
ბით გადაღებულმა ფილმებმა
ჩილდრები მოიპოვეს საერთაშო-
რისო ფესტივალებზე კანში, სან-
სებასტიანში და სხვაგან. მსახ-
იობა თავისი კვალი საბჭოთა

კინემატოგრაფსაც დაამჩნია:
ფილმმა „ქორწინება იტალიურ-
ად“ 1965 წელს მოსკოვის ფეს-
ტივალზე პრიზი მიიღო, ხოლო
1969 წელს საბჭოთა კინემატო-
გრაფისტებთან ერთობლივად
გადაიღეს ფილმი „მზესუმზირე-
ბი“.

50-60-იან წლებში მისი მოწ-
ანილობით გადაღებულ ფილმ-
ებს კრიტიკოსები „უზრუნველ“,
„გასართობ“ და „უმერცხულ“
ფილმებად მიიჩნევდნენ („პუ-
რი, სიუჟარული და...“ და სხვა).

ამან ფართო მაყურებელში
მაინც ვერ შეამცირა მისი პოპ-
ულარობა.

შაგრამ პრესის ყურადღება
სოფი ლორენის კარიერისადმი
მაინც დაძაბული იყო. თუმცა
თავისი პირადი ცხოვრებით ეს
კინოვარსკვლავი სულაც არ იძ-
ლეოდა დიდ საბაბს სენსაციის
ათვის. ოცდახუთ წელზე მეტია,
რაც ის კინომარდიუსერის ქარ-
ლო პონტის ცოლია. სოფის,
როგორც ამას თვითონვე

ამბობს, დღესაც მზურვალედ
უყვარს თავისი მეუღლე და
შვილები—22 წლის ედუარდო
18 წლის კარლო.

წელს მარტში სოფი ლორენს
ორი ჩილდო გადაეცა—ფრანგ-
ული და ამერიკული საპატიო
ჩილდოები „ცეზარი“ და „ოსკა-
რი“.

უკანასკნელი მონაცემებით,
ამჟამად მსახიობი დაქვებუ-
ლია გადაღებით იტალიაში,
ამავე დროს კინოს სამყაროს
აზიარებს თავის ძმისშვილს ალ-
ექსანდრას.

ბ. კონსტანტინოვი („არბუშენი ი
ფაქტი“)

პიკაშასო ქაღაბო! თქვენ გიყვართ.

მაგია

როგორ ვიხმაროთ სუნამო

სუნამო. ყოველთვის როდია
მისი გამოყენება დროული. თუ
ისინი სახეიშო განწყობილებას
ანიჭებენ ადამიანს თეატრში, მე-
გობრებთან, სრულიად არ არის
შესაფერისი მისი გამოყენება
საქმიანი შეხვედრების დროს.
სხვათაშორის, ზამთრობით სუნ-
მოს სასიამოვნო არმატა, განსა-
კუთრებით მკვეთრმა, შეიძლება
ზაფხულობით გაგაღიზიანოს.
მზიან, ცხელ ამინდში ის საერთოდ
არ უნდა გამოიყენებოდეს. მხედველ-
ობაში იქონიეთ, რომ ახალგაზრდა
ქალებს და ქალშვილებს უფრო
მეტად უნდებოთ ყვავილების სუნი,
ხოლო ხანში შესულებს—სანელ-
ბლების.

რეკომენდებული არ არის სუნ-
ამო წაიცხოდ კანზე, ვინაიდან ას-
ეთ შემთხვევაში იცვლება მისი
სუნი, განსაკუთრებით თუ კანი
დაბანლი გაქვთ სურნელგვანი
საპნით ან მკვეთრსუნიანი კრემი
გისვით, უკეთესია თუ სუნამოს
აპყურებთ შალის ქსოვილის პატა-
რა ნაჭერზე, რომელიც კაბაზე

შეივნიან გეჭნებოთ დაკერებული.
დაიცავით სუნამო სითბოს, სინათ-
ლისა და ჰაერისაგან (ისინი ადვი-
ლად ორთქლდება). უფრო მოხე-
რებულია ტუჩის პომადის მსგა-
ვსად პენალში მოთავსებული
მაგარი სუნამო. ის შეიძლება
მსუბუქად წაისვით კანზე ისეთ
აღვლას, სადაც ტანსაცმელი არ
ეხება, მაგალითად, ყურის ძირში.

არ დაგვიწყდეთ ყველანაირი
სუნამო კარგია როცა მას ხმარობ
სუფთა ტანსაცმელზე, სუფთა
თმებზე. თუ მას ოფლიანობის
დროს იხმარებთ, ამით მხოლოდ
ხაზს გაუსვამთ თქვენს არააქურა-
ტურობას.

და, ბოლოს, უნდა გახსოვდეთ
რომ ზოგჯერ სუნამომ შეიძლება
გამოიწვიოს ალერგიული რეაქცია,
ამიტომ, როცა სამსახურში ან
სტუმრად წასასვლელად ემზადე-
ბით, ყოველთვის გახსოვდეთ, რომ
თქვენს გვერდით იქნებოდა ალა-
მიანები, რომლებიც ძლიერმა
მკვეთრმა სუნმა შეიძლება დაა-
ლოს, და მათში არასასიამოვნო
შეგრძნება გამოიწვიოს.

ბადრიჯანი

შემწვარი ხახვით

გარეცხეთ ბადრიჯანი, მოაჭერ-
ით თავი და ბოლო, მოთუთქეთ,
დაჭერით თხლად, დააყარეთ მარ-
ილი. ორივე მხარეს მოაყარეთ
ფქვილი და შეწვით კარაქში ან
მცენარეულ ზეთში. დაჭერით
აგრეთვე თავიანი ხახვი
მრგვლად და კარაქში შეწვით.

ვაშლი შეწვით და გახეხეთ
საცერში. მიღებულ პიურეს დაუ-
მატეთ შაქარი, და ცოტა ხან
აღუღეთ. სანამ გააცივდებოდეს,
სწრაფი რევის პირობებში წვრი-
ლი ნაქადით ჩაასხით ათქვეფილ
ცილაში და ამის შემდეგ ამოზრ-
ცული ფორმით გადმოიღეთ ცხი-
მწანსმულ ტაფაზე, პეროგის ზედა-
პირი მორთეთ იმავე მასით კონუ-
სისებური პარკის მეშვეობით და
გამოაცხეთ პაეროლუმელში.
ცხელ ღვეზელს, სანამ ტაფიდან

მზა ბადრიჯანი დაწვით ლანგა-
რზე, შემწვარი ხახვის მონაცვლე-
ობით, ტაფაზე, სადაც ის შეწვით,
დადეთ არაქანი, აუროით
ტომატის პიურე, მცირე ხანს გა-
ჩერეთ და ეს საწებელი ბადრიჯან-
მოასხით.

ოთხი ბადრიჯანი—ორი თავი
ხახვი, ოთხი სუფრის კოვზი ფქვი-
ლი ერთი ჰიქა არაქანი, ორი
სუფრის კოვზი ტომატის პიურე,
ოთხი სუფრის კოვზი კარაქი,
მარილი გემოვნების მიხედვით.

პაეროვანი ვაშლის
ღვეზელი [პეროგი]

გადმოიღებდეთ, მოაყარეთ შაქარი,
ღვეზელი შეგიძლიათ მიირთვათ
აღუღებულ ცივი რძით ან ნაღე-
ბთან ერთად.

ყოველ 100 გრამ ვაშლზე:
შაქარი—3 სუფრის კოვზი, კარა-
ქი—1 ჩაის კოვზი, 6 კვერცხის
ცილა, ფხვნილი შაქარი.

ჩაქვები „მეც“ სპირიტად

თუ გსურთ ჭურჭელს თევზის
სუნი მოაცილოთ, იგი გარეცხეთ
მარილიანი ცივი წყლით.

როდესაც ყავას ადუღებთ, წიგ
მარილის ნამცეცხ ჩააგდეთ—ყავას
გემო გაუუმჯობესდება.

დაჭრილი ვაშლი რომ არ „დაგი-
ქანდეთ“, მარილიან წყალში
შეინახეთ.

თუ ოთახში საღებავის სუნია—
მარილიანი ლამპაქი დადგით.
სუნი სწრაფად გაქრება.

კარტოფილის ნაფუქვენი დაჭერ-
ით წვრილ ნაჭრებად და ცხელი
წყალი და ძმარი დაასხით, დაუმა-
ატეთ ცოტათდენი მარილი—მინის
ტარის გასარეცხი მშვენიერი
ხსნარი დაზადდება.

ნუ გადაწყვეთ კარტოფილის
ნახარშს, ის კარგად რეცხავს მინ-
ას, ფაიფურსა და პრიალა ჭურჭ-
ელს.

თუ საპურეში დაჭრილ ვაშლს
გაფუქვნილი კარტოფილის ნაჭერს
ან ცოტათდენ მარილს დადებთ
პური გვიან გახდება.

დრომოკვეთი მიღის,

ახალი მხარე

ბულგარეთის, უნგრეთის, პოლონეთის, რუმინეთის, საბჭოთა კავშირის და ჩეხოსლოვაკიის დემოკრატიულმა ყოფილმა პარტიებმა და გაერთიანებულმა პარტიებმა მოაწერეს ხელი დოკუმენტს ვარშავის ხელშეკრულების ორგანიზაციის საქმიანობის შეწყვეტის შესახებ. ეს მოვლენა განმარტებული იყო ობიექტური ფაქტორებით, მკვეთრი ცვლილებებით ევროპაში, ვარშავის ხელშეკრულების წევრ-კავშირებში. შარშან ორგანიზაციის გამაყვანდა თავისი უმნიშვნელოვანესი რგოლი—გერმანიის დემოკრატიული რესპუბლიკა. წელს, თებერვლის ბოლოს აღიარების დანარჩენი წევრები შეთანხმდნენ გაუქმებინათ მისი სამხედრო სტრუქტურა. ხოლო შეზღუდვებზე სამი თვით ადრე სხვა აღმოსავლეთევროპულ დელეგატებში—ბუდაპეშტში ყოველგვარი ხმაურის გარეშე გაუქმდა კიდევ ერთი დრომოკვეთი ორგანიზაცია — ეკონომიკური ურთიერთდახმარების საბჭო. გაუქმებულია ნაცვლად რამდენიმე სტრუქტურის შექმნა ჯერ გათვალისწინებული არ არის. ცხადია, ჩვენც და ჩვენი მეზობ-

ლებიც უნდა ცდილიყვნენ შეენარჩუნებინათ ის დადებითი, რაც ათეული წლების მჭიდრო თანამშრომლობის შედეგად დაგვიტოვდა. რაც შეეხება მრავალმხრივ თანამშრომლობას, ის, როგორც მე წარმოგიდგენია, უპირატესად განვითარდება საერთოევროპულ ფარგლებში. მოსკოვში, პრაღაში და სხვა დელეგატებში დიდ მნიშვნელობას ანიჭებენ პელსინგში დაწესებულ პროცესებს, მთელი ევროპის მასშტაბით ნდობისა და უშიშროების განმტკიცებას. ამასთან ერთად თავისი აზრი არ დაუკარგავს ურთიერთმოქმედების რეგიონალურ სტრუქტურებსაც, მათ შორის ყოფილი „სოციალისტური თანამშრომლობის“ დონეზე. ეკონომიკური ურთიერთდახმარების საბჭოს უკანასკნელი სესიის მონაწილეებმა ბუდაპეშტში აღიარეს, მათმა ქვეყნებმა უნდა მოახდინონ აღმინისტრაციულ-ბიუროკრატიული წესიდან გასვლა საზარო ეკონომიკისაკენ მიმავალ გზაზე თავიანთი სვლის კოორდინაცია.

მ. შელავინი.

შენთვის, გკითხვალ!

სოიუზპეჩატის გიხურებში იყდება ახალი ქართული გამოცემები. მათ შორის ქართველ მწერალთა მხატვრულ-ლიტერატურული ჟურნალი „ლაშარი“. ჟურნალის მთავარი რედაქტორია თ. დოი-აშვილი. ნომერში დაბეჭდილია გალ-კტიონ ტაბიძის, გურამ დოჩინა-შვილის, ბესიკ ხარანაულის, გიორგი ჩოხელის, როსტომ ჩხეიძის და სხვათა მხატვრული ნაწარმოებები, მოგონებები აკაკის, ილიას, მიხეილ წერეთლის შესახებ, კრიტიკული წერილები; ცნობილი ფრანგი მწერლის, ისტორიკოსისა და ფილოსოფის ერნესტ რენანის ლექცია „რა არის ერის?“. ჟურნალი გამოსცა გამომცემლობა „ლაშარი“. გამოსულია აგრეთვე საქართველოს ეროვნული გვარდიის სამხედრო ისტორიული ჟურნალი „მხედარი“ 1-ლი, მე-2 ნომრები. ჟურნალის მთავარი რედაქტორია მამუკა წერეთელი. კრებულებში დაბეჭდილია წერილები საქართველოს ისტორიული სამხედრო ხელოვნების, სწავლასა ეპოქის ქართული

სამხედრო წყობის შესახებ, მოგონებები. აქ ნახავთ ლევან სანიკიძის, იოსებ გედევანიშვილის, გიორგი ლეონიძის, ვლასა მკვლავის, მ. ბარბაქაძის, სარ-გის კაკაბაძის, კონსტანტინე ჩოლოყაშვილის სტატიებს. ჟურნალი გამოსცა გამომცემლობა „სამშობლო“. იუმორისტული ჟანრების მოყვარულთ უთუოდ დაინტერესებთ კიდევ ერთი ახალი ჟურნალი, რომელსაც რედაქტორად მიშველაძე რედაქტორად. „დომილი“ საქართველოს სატირიკოს-იუმორისტთა ასოციაციის ლიტერატურულ-მხატვრული ჟურნალია. აქ წაიკითხავთ მ. ფოცხიშვილის, რ. მიშველაძის, ზ. ბოლქვაძის, მ. ნიშნიანის, მ. ქელიძის, გ. პეტრიაშვილის, დ. მრევლიშვილის, ე. კვიტაიშვილის, გ. მაზილაძის, ნ. შამანაძის, გ. კელიძის, თ. გუგუშვილის და სხვათა იუმორისტულ-სატირულ ნაწარმოებებს, ახალ საინტერესო თარგმანებს, თამაზ წიგნაძის და კიტა ბუაჩიძის პუბლიცისტურ წერილებს, ეპიგრამებს, ნახავთ ხალხური იუმორის მარგალიტებს.

ყურადღება!

სამაშრნალო კომპერატავ კურორტ „ლაშავი“ 2901 წლის პირველი კვარტალში სექტემბრამდე იმუშავებს მაღალკვალიფიციური ექსტრასენსი, რომელიც ეფექტურად მკურნალობს თავის ტკივილებს, მაღალწევას, რადიკულიტს, მხედველობის და სმენის დაქვეითებას, დიაბეტს საწყის სტადიაზე, რევმატიზმს და ნევროზს. სიანის დირექტორია კურორტზე გაფორმებული დამსვენებლისთვის 8 მანეთია, სპეციალურად ექსტრასენსთან მოხელთათვის კი—15 მანეთი. ექსტრასენსთან არ დაიშვებიან: ფსიქიურად დაავადებულნი, სიმსივნის მქონენი, ფეხმძიმენი ნებისმიერ სტადიაში, კანის გაღამებები და ვენერიული დაავადებები, ორგანულად ჩამოყალიბებული დეფორმაციის მქონენი (კენები, ჩიუვი, გულის მანკი). კომპარატივ „ლაშავი“ თავეჯდომარა რ. მანდარია.

გიგა, ლავროსი, ბორის, ნორა, ზურაბ, გელა ჭაბუკიანები ოჯახებით იუწყებიან ვლადიმერ ესტატეს ძე ჭაბუკიანის გარდაცვალებას და თანატოლებს განსვენებულს ოჯახს.

ალბანის სამკერვალო ფაბრიკის თანამშრომლები თანატოლებს ამვე ფაბრიკის თანამშრომელს ბროლა ხეტურიანს ძმის რუბენ ხეტურიანის გარდაცვალების გამო.

ძმები გუჯა, დავით, ბადრი, დემი, მაყუ, ქეთო, ლოლა ჩავეტაძეები, რძლები ბაბუცა, ანიკო, დოდო ოჯახებით იუწყებიან, რომ გარდაიცვალა შუშუნა აფრასიონის ასული ჩავეტაძე. დაკრალა 28 ივლისს, კვირას, სოფ. ზუგდიდში.

გრიგოლ ბენდელიანი, რადიკალ ვილგემ კოპალიანები, ოთარ, დავით, ჭუმბერ სალიანები თანატოლებს გუჯა ჩავეტაძეს დის შუშუნა ჩავეტაძის გარდაცვალების გამო.

ლეილა, როლანდ, მანუჩარ ხეტურიანები, ბორის ფანჯარაძე თანატოლებს ლალი, ნაილი და მარინე ჭაბუკიანებს მამის ლადო ჭაბუკიანის გარდაცვალების გამო.

კავშირგაბმულობის ზუბის განყოფილების თანამშრომლები თანატოლებს დავით ჩავეტაძეს დის შუშუნა ჩავეტაძის გარდაცვალების გამო.

გიგორცაშვილი
საქართველოს სახელმწიფო უნივერსიტეტი

იზა ლეთოდინას
ტარიელ ლიპარტალიანს
გილოცავთ ბედნიერებას, სიყვარულით გაბრწყინებული ყოფილიყოს თქვენი ცხოვრება, გფარავდეთ ღმერთი. რამაზ სალინაძე, რეზო ლეთოდინი.

ლალა ჩიქოვანს
კარლო კოპალიანს
გილოცავთ ბედნიერებას. დაგბედებოდეთ შვილთა სიმრავლე. გფარავდეთ ღმერთი. მარინე სვანიძე, ლალი ხვადაგიანი, ელისო, ელენორა კვირკაშვილები.

ლონდა ლეთოდინას
ავთო მურცხვალიანს
გილოცავთ ბედნიერებას. სიხარული, სიყვარული, სიკეთე დაგბედებოდეთ. გფარავდეთ მაღალი ღმერთი. ნარგიზა, ბადრი გოლეთიანები, ლეილა კვენეტაძე, მურთაზ ყურაშვილი.

ლალა ჩიქოვანს
კარლო კოპალიანს
გილოცავთ ბედნიერებას, გისურვებთ შვილთა სიმრავლეს. შეგეძმნათ ფუძემდებრი ოჯახი. ლია ლიპარტელიანი, მანანა, ზურაბ ბენდელიანები, ვახტანგ, ტარზან კოპალიანები, დათო, ვახტანგ სალინაძეები, როსტომ შკუბულიანი, ლია მუშეულიანი.

ნაზიკო, რეზო კოპალიანებს
გილოცავთ მირიანის ბედნიერებას, გისურვებთ გამრავლებას და ყოველივე კარგს. ლია კოპალიანი, ლამარა, ნანი ბერიძეები, ნორა მეშველიანი, ნაილი ჩავეტაძე, იზო მურცხვალიძე, გივი ქომეთიანი, დადოსტი სვანიძე, ჭემალ მეშველიანი.

გიგორცაშვილი

დარეჯან ლეთოდინას, ზაურ გუგავას
გილოცავთ ვაჟიშვილის შეძენას. გაზრდილიყოს სასახლო მამულიშვილი. რაიპოლიკლინიკის თანამშრომლები.

ლია, ანეზა, ლელა, ლევან ჩიქოვანებს
გილოცავთ ლალის ბედნიერებას. იხარეთ, იმრავლეთ. ღმერთი იყოს თქვენი ოჯახის მფარველი. მაყვალა, სარდიონ ფუტყარაძეები.

აკახაბარ ბადრის კე თუთისანს
გილოცავთ დაბადების დღეს. გაიზარდეთ ერის სასახლო ვაჟიკი. ბორის კოპალიანი ოჯახით.

თამთა ავთოს ასულ შაჰგულიანს
თამთა, გილოცავთ დაბადების დღეს. ბედნიერი იყოს შენი ცხოვრების გზა. კახაბერ თუთისანი.

ნანული სალინაძეს
დაბადების დღეს გილოცავთ, კვლავ დედა-ბურჯად, ინედად, ნუგეშად, სიყვარულად ყოფილიყოს დიდხანს შვილებისათვის, შვილიშვილებისთვის. ნიკა, ლევანი.

ციციწო, დიტო ჩაჭარაძებს
თინა, ვაჟა ჩაჭარაძეს
გილოცავთ შვილისა და შვილიშვილის შეძენას. გაზრდილიყოს სასახლო მამულიშვილი. გივი, ალიოშა, ზაურ ჩაჭარაძეები, ბიკენტი მურცხვალიძე, რეზო სივსივა, ჭუჭულა გურგულიანი.

მარი ასათიანს
ოთარ შაჰგულიანს
გილოცავთ ქალიშვილის ბედნიერებას. ულევო სიხარული და სიყვარული ყოფილიყოს მისი ცხოვრების მეგზური. ორბელის საკრებულოს თანამშრომლები.

„ლენინი“ გამოდის	ჩვენი მისამართი: 884100 ქ. ცაგერი, რუსთაველის ქ. №58 ტელეფონები: რედაქტორის — 22-31	რედაქტორი
• საშუაბათს	რედაქტორის მოადგილის — 22-35, მასუხისმგებელი მდივნის — 22-34, სახალხო მეურნეობის განყოფილების	ნ. ნიშნაძე
• ხუთშაბათს	— 22-36, მშრომელთა წერილების განყოფილების — 22-41, სტამბის დირექტორის — 22-17, სააშყობო	
• შაბათს	სამკერპის — 22-28	
	შეკვეთა № 80 ტირაჟი—4546	
საქართველოს ბეჭდვითი სიტყვის სახელმწიფო დეპარტამენტის	ქუთაისის პოლიგრაფიული გაერთიანების ცაგერის სტამბა.	